

帶經堂詩話

卷八

自述

卷九

標舉

卷十

指數

帶經堂詩話卷八

漁洋山人

總集門五

自述類下

予少時與先兄考功同上公車每到驛亭輒題素壁筆墨狼藉率不存稟逸去多矣數年來往往從友人口中得之恍忽如夢不忍盡割略記于此河口花明錦纜春研繚綾子領邊巾不知何事牽儂思欲疊紅箋賦洛神徐隱君東癡嘗口誦此詩不見湘中舊汜人西園蘭石愴如新低徊十五年前句祇有蛛絲絡暗塵

彭少宰孫通義門誦之

關河連夜雨驛路一聲蟬

湯右曾西庄王戩孟穀誦之

風迴邸閣聞鈴

駢日落關山見戍旗彷彿夢中尋蜀道打包身度棧雲西

徐學

王健菴誦之且題其右云右驛斜陽聽鐸聲

分明往跡流傳本事詩廿年如夢

不堪思。重來頭白風情盡。誰記巡檐繞柱時。汪耀麟叔定明之趙北燕

南水四圍。此中避地可忘機。舊番芡實迎秋熟。拍拍鷗羣接

翅飛。蟹舍都連黃篾舫。釣人相映綠簑衣。淮南小別今三載。

魚稻珠湖願竟違。曹祭酒禾義暗榜旅舍口漁洋詩屋池北偶談

余自少年與先長兄考功同上公車。每停驂輟輶。輒相倡和

書之旗亭驛壁。率不畱彙。諸同人見之者。後在京師往往爲

余誦之。恍如昨夢。近見吳江鈕玉樵瑒觴賸亦載余逸句。因

憶丙午白里中北上。戲題德州南曲律店壁一絕云。曲律店

子黃河厓。亦地名朝來一雨清風颭。青松短壑不能住。騎驢又

踏長安街。語雖詼嘲不足存。亦小有風趣。聊記于此。香齋筆記并錄一

續文康熙四十年五月二十日午憩曲律店。憶三十年前過

此戲題絕句云。曲律店接黃河厓。朝來一雨清風颭。青松短

壑不能住。騎驢又踏長安街。今老矣憶斯語爲之慨然。

順治辛丑春雨中泊舟楓橋寄先兄西樵二絕句云日暮東塘正落潮。孤蓬泊處雨瀟瀟。踈鐘夜火寒山寺。又過吳楓第幾橋。楓葉蕭條水驛空。離居千里悵難同。十年舊約江南夢。獨聽寒山半夜鐘。今荏苒五十年矣西樵下世亦已三十餘年。回思往事爲之慨然而歎。

分廿餘話

宗補附識鮑待翁亞谷叢書漁洋先生於順治辛丑遊吳題詩楓橋詩話載之余以康熙庚子再遊鄧尉泊舟楓橋追憶其事屈指剛六十年口占一絕句云路近寒山夜泊船。鐘聲漁火尚依然。好詩誰嗣唐張繼。冷落春風六十年。翁名鈔字冠亭雲。中人嘗爲湖之長興令風流好事不沾俗吏之塵著述數種叢書其一也。

辛丑在廣陵閩中友人許天玉公車北上以缺資斧來告會囊無一錢先室張宜人笑曰君勿憂我爲君籌之除腕上跳脫付予曰此不足爲許君行李費耶予亦一笑持遺天玉天玉作長歌記其事頗援古賢媛爲比

子奉使入蜀時雨喪愛子客人病骨支牀而予有萬里之行
客人慮傷予心破涕爲笑扶病治裝刀尺之聲與嗚咽相聞
唯恐予之聞之也予途中寄詩云何必言愁始欲愁離騷端
只是離憂兩年再墮童烏淚萬里虛爲諭蜀遊落日深山聞
杜宇秋風古驛下金牛傷心欲寫蠻箋寄十樣空傳出益州
次灞橋再寄詩云長樂坡前雨似塵少陵原上淚霑巾灞橋
兩岸千條柳送盡東西渡水人

已上漁洋文

附錄張宜人行述後段宜人十四歸子予性疎放好讀書不問家人生產宜人以勤儉
佐予內外秋然今已矣予偶讀文選至蒲騷省悼亡詩輒閉目不欲觀又客秋過河間
和沈敬甫釣弋夫人歌一篇語近不祥輒創棄他日入室思
人流芳已歇遺桂在壁憶騎省之詩豈非神先告之乎悲哉

入室陳孺人懿行儉德可書者非一性慧強記初從予口授
唐絕句百首皆成誦吟諷中律呂予所賦詩亦頗能誦數十
篇禪誦之餘每舉以相娛樂旣十四五年扣之一無遺忘似

有慧業者然

蠶尾文

宗棟案山人年譜康熙十五年丙辰九月張燕人殺于家而陳孺人卒在癸酉四月張孺人卒在巳卯六月俱書側室第陳於丁巳十月聘娶視張之少從夫人俱來爲媵安者稍異耳讀集山行迹二首自明

康熙十一年六月奉命典蜀試七月朔與家兄西樵考功

及家人別余方有兒渾之痛伏枕浹旬龜勉就道初十日抵平定州夜雨夢兒渾髮髯如平生枕上拭淚成一詩

蜀道驛程記

長女小字阿端以康熙己未五月初九日生於京邸卒年十有二三女阿宮以甲子九月二十日生京邸女生而余遷宮尹故以名之十歲病死始阿端之葬也予爲詩哭之曰左氏嬌女詩陳王金瓠詞恣情非太上萬古一銜悲旣而自疑曰一詩而引二事是疑於兩女也不祥然孰意其果識乎

蠶尾文

宗棟按山人自述其詩多散見諸書特采數條於此卷中以見其性情之篤非漫然者又按山人交遊甚廣此下諸條或爲平生知己或爲布衣至誼所謂文章有酬交有道

也而其他則
分屬各類云

余以順治乙未舉禮部戊戌始赴

廷對一日期集禮部新

郎君皆在全椒吳玉隨

對國

大呼入曰此中何者爲濟南王郎

乎衆愕然余方跛腳榻上笑曰君自辨之吳直前捉余臂曰

此卽是也衆爲一笑後吳以第一甲二人及第假過真州贈

余詩云如此青天如此月兩人須問大江秋詩詳鑾江倡和

集并錄二

香祖筆記

戊戌同年吳侍讀默岩全椒人榜眼及第詩末入格而

頗有勝情予官揚州時常與其客儀真一日過予客園置酒

酒間作擘窠大字及便面數事皆卽事漫興之語令人解頤

尙記其一則云少陵云一洗萬古凡馬空東坡云筆所未到

氣已吞才人須具此胸次落筆自爾不凡唯阮亭可以語此

頃之子衣領上偶見一蟻卽又云宰官衣領薦上一蟻子此
正須耐煩以爲勝俗客耳雖偶然遊戲皆有理趣久之露坐
月色皎然賦絕句云如此青天如此月兩人須問大江秋子
和之得四首翰林兄弟皆名士廡屋三閒分兩頭及第紅綾
分餅日閉門黃葉著書秋鳴嶼園中小山名斜日森碧篠人影參差
曲岸頭頃刻疾書兩丸墨山蟬墮地數聲秋又二詩不具錄
詳鑾江倡和集

分甘話同年吳默岩在儀真常書許彥周詩話老杜丹青引一
洗萬古凡馬空坡公觀吳道子畫壁詩筆所未到氣已吞唯
二公之詩各可以當之而舉余少作周文矩莊子說劍圖詩
使筆如劒劒氣出之句以爲唯余詩足以當之今五十年默
岩墓有宿草矣

余少在濟南明湖水面亭賦秋柳四章一時和者甚衆後三年官揚州則江南北和者前此已數十家閨秀亦多和作南城陳伯璣允衡曰元倡如初寫黃庭恰到好處諸名士和作皆不能及

宗稱按鈍翁說鈴王十一感秋柳賦詩四章其三云東風作絮糝春衣云云嚴給事沆稱此詩風調雨清如朔鴻關邊易引鶴愁讀之良然近別裁集謂秋柳詩乃公少年英雄欺人語爲所欺者強爲注釋究之不切秋并不切柳問其何以勝人曰佳處正在不切也爲之繁然痛謂四詩佳處全在情味勝人不獨如給事所指一首也若斤斤繩墨以求之恐非作者本意矣

余往如臯馬上成論詩絕句四十首從子淨名

敢作注人謂

不減向秀之注莊後不三十天卒

西樵并錄一

居易錄

儀封王世治刻吳江計甫草

東讀子論詩絕句記來徵

士大夫詩歌紀事以計此記爲子詩作也因先呈予世治跋云不肖生也晚距先肅敏公六世時已百餘年守家藏集恒

虞失墜有莫爲之後之懼康熙壬戌七月太邱王瑗郵致甫
草計先生讀阮亭詩記一篇世治讀之不禁涕洟深歎知已
之難而相遇之奇也世治半世俯首老諸生不能與當代賢
士大夫挈長比藝焜耀先澤而甫草乃從阮亭王公少谷山
人之句而致其感動痛哭之辭至欲爲先肅斂死斯亦奇矣
嗟乎是少谷阮亭兩公之知先肅斂而總藉傳于計先生之
一痛也海內文人其誰不願爲計先生死者哉予康熙癸卯
在揚州一日雨行如臯道上得論詩絕句四十首蓋倣元裕
之作其一云三代而還盡好名文人從古善相輕君看少谷
山人死獨有平生王子衡甫草丁未於都門見此詩因作記
今載甫草集

余在甓社湖舟中作歲暮懷人絕句六十首丙夜而畢紙盡

以公牒牘尾續之淋漓皆徧

余少客秦淮作秦淮雜詩二十餘首陳其年詩兩行小史豔
神仙爭寫君侯腸斷句謂此也又在真州作絕句云好是日
斜風定後半江紅樹賣鱸魚又濛濛夕照開棠邑葉葉風帆
下建康又摘星樓閣浮雲裏一傍危欄望楚江又綠楊城郭
是揚州江淮間多寫爲圖畫後入蜀行夾江道中望峩峩三
峯在煙雨空濛中賦詩云沈黎東上古犍爲紅樹蒼藤竹亞
枝騎馬青衣江上路一天風雨望峩峩及入粵大雪行潛山
唐婆嶺卽事賦詩云皖公山色望迢迢皖水清冷不上潮青
笠紅衫風雪裏一林楓柏馬蕭蕭常欲命畫師爲寫二圖未
果每以爲憾

已上漁洋詩話

余少時官廣陵與諸名勝修禊紅橋卽席賦冶春詩二十四

首陳其年後至贈余詩曰玉山筵上顏唐甚意氣公然籠罩人劉公猷曰采明珠耀桂旗麗矣或率而兒拜或揚袂從風如欲仙去治春詩獨步一代不必如鐵厓遁作別調乃見姿媚也

香祖筆記并錄二

漁洋詩話

余少時在廣陵每公事暇輒名賓客汎舟紅橋與袁荊

州

干令

諸詞人賦詩有綠楊城郭是揚州之句江淮間取作畫

圖又與林茂之張祖望杜于皇孫豹人程穆倩修禊於此自

賦治春詩二十首陳其年題其後云官舫銀鐙賦治春琅邪

風調更誰倫玉山筵上顏唐甚意氣公然籠罩人宗定九

元鼎

詩云休從白傅歌楊柳莫向劉郎演竹枝五日東風十日雨

江樓齊唱治春詞劉公猷曰耀明珠蔭桂旗麗矣或率而兒

拜或矯而當熊或揚袂隨風如欲仙去遺世獨立橫絕一時

言言名
不必如老鐵花游諸曲遁作別調始見姿媚也

居易予嘗與袁昭令杜于皇諸名宿宴于紅橋予自爲記作

詞三首所謂綠楊城郭是揚州是也昭令酒間作南曲被之

絲竹又嘗與林茂之孫豹人張祖望綱輩修禊紅橋予首倡

冶春詩二十餘首一時名士皆屬和予旣去揚州過紅橋多

見憶者遂爲廣陵故事陳其年云官舫銀燈賦冶春廉夫才

調更無倫玉山筵上頽唐甚意氣公然籠罩人宗梅岑云休

從白傅歌楊柳莫向劉郎演竹枝五日東風十日雨江樓齊

唱冶春詞此例甚多丙寅丁卯間曲阜孔尙東塘以濬河至

揚州題詩紅橋云阮亭合向揚州住杜牧風流屬後生廿四

橋頭添酒社十三樓下說詩名曾維畫舫無閑柳再到紗窗

祇舊鶯等是竹西歌吹地煙花好句讓多情

附錄香祖筆記屠隆長卿令青浦梁辰魚伯龍過之爲演浣紗記遇佳詞輒浮以人白昔袁荊州擇菴于令自金陵過子廣陵與諸名士凡舟紅橋子首賦三闕所謂綠楊城郭是揚州者諸君皆和袁獨製套曲時年八十矣曲載紅橋倡和昔張子野與東坡會飲垂虹亭年亦八十

康熙三年子與杜于皇

潘

陳其年

維

輩同在如臯修禊於昌

氏水繪園賦詩或問杜阮亭詩何如答曰興酣落筆搖五嶽詩成嘯傲凌滄洲又問君詩何如曰但覺高歌有鬼神誰知餓死填溝壑

池北偶談

并錄二

香祖筆記

余康熙乙巳春將去廣陵偶以公事至如臯昌辟疆

襄

約余修禊水繪園別業時通州八十老人邵潛潛夫及宜興陳其年縣人許嗣隆山濤及昌氏諸子咸在坐分體賦詩余得七言古體坐湘中閣立成十章黃岡杜于皇後至他日或問之曰阮亭詩如何杜曰酒酣落筆搖五嶽詩成嘯傲凌滄洲又問君詩如何曰但覺高歌有鬼神誰知餓死填溝壑

漁洋詩話

余與邵潛夫陳其年諸名士以康熙乙巳修禊昌辟疆水繪園分體賦詩余戲謂其年曰得紫雲捧硯乃可紫雲者昌歌兒最姝麗者爲其年所眷許之余坐湘中閣立成七言古詩十章後一日杜茶邨自廣陵至亦有補作或問之曰阮亭詩何如杜曰酒酣落筆搖五嶽詩成笑傲凌滄洲君詩何如曰但覺高歌有鬼神誰知餓死填溝壑

予在揚州日通州布衣邵潛潛夫年八十餘無妻子僑居如臯子適按部至縣邵以書來云苦門夫之役予抵縣次日晨往訪之所居狹巷不容車騎予下車徒行入蓬門陋室臥榻與竈突相接所刻書板充棟出市酤畱飲予爲引滿數觴盡歡而罷邑令聞之卽日免其徭役福清林古茂之亦八十餘數自金陵過訪每集諸名勝文宴紅橋平山堂之間予親爲

撰杖康熙甲辰除夕茂之以萬曆甲辰已來六十年詩屬子
刪定不減數千篇皆曾能始鍾伯敬譚友夏諸前輩所鉛黃
子爲存其甲子以前風華近六朝者而刪其甲子後詩幾盡
施愚山聞章見之曰吾與林翁久游處非君選不知其本色乃
如是君之功林翁大矣高淳老布衣邢昉孟貞五言學韋蘇
州風格甚高子至揚州昉前死已久子爲祭酒時長山李尙
書孫斯佐謁選得高淳令子以昉家事託之俾訪其妻子明年
李以書來云邢妻老尙無恙一弟爲老諸生一孫甚貧已辦
二百金爲買丞相圩腴田四十畝不憂饔飧矣愚山與孟貞
交最善代爲謝予子與孟貞終未識面其弟妻與孫亦不知
予誰何也成都費密字此度獻賊破蜀後流寓泰州人無知
者予偶見其五言詩曰大江流漢水孤艇接殘春愛之賦詩

云成都跛道士萬里下峩岷虎口身曾拔蠶叢句有神大江

流漢水孤艇接殘春十字須千古何爲失此人密見之遂來

定交南城陳允伯璣客金陵清羸善病以予故數來揚州選

錄國雅集予居之古文選樓頗料理之孫叔豹人三原人僑

居揚州高不見之節予訪之先以詩云焦穫奇人孫豹人新

詩雅健出風塵王宏不見陶潛迹端木寧知原憲貧遂爲莫

逆交泰州布衣吳嘉字賓賢居東陶苦吟不交當世子見其

所爲五言清冷古澹雪夜被酒爲其詩序馳使三百里致之

嘉紀大喜過望買舟至廣陵謁謝遂定交黃州杜濬于皇客

揚州嘗人日大雪無事巾車造之論詩竟日樵蘇不爨茶話

而已乙巳七夕子赴京師諸君餞于禪智寺祖道賦詩于皇

詩云記逢人日雪造我吟窮愁豹人詩云欲問念情老何名